



**COMUNE DE PUTUMAJORE**  
**PROVÌNTZIA DE TÀTARI**

**ORDINÀNTZIA DE SU SÌNDIGU**

**N. 26/51 DE SU 09-10-2020**

**OGETU:** Disposizioni che concernono il campus comunale a cominciare dal 10.10.2020. - Revoca Ordinanza n. 20/27 del 28.05.2020.

**SU SÌNDIGU**

**Bida** sa Delibera de su Consìgiu de sos Ministros de su 31 de ghenàrgiu de su 2020 (G.U. n. 26 de su 01.02.2020) chi giughet a ogetu: “Decrarazione de s’istadu de emergèntzia in conseghèntzia de s’arriscu sanitàriu ligadu a presèntzia de maladies chi derivant dae virus chi si podent trasmitere”;

**Bidu** su Decretu-Lege de su 23 de freàrgiu de su 2020, n. 6, chi giughet “Mesuras urgentes in matèria de cuntinèntu e gestione de s’emergèntzia epidemiològica dae COVID-19”, mudadu, cun modificatziones dae sa lege de su 5 de martzu de su 2020, n. 13;

**Bidu** su Decretu de su Presidente de su Consìgiu de sos Ministros de su 26 de abrule de su 2020, chi giughet “Àteras disposizioni atuativas de su Decretu-Lege de su 23 de freàrgiu de su 2020, n. 6, chi giughet mesuras urgentes in matèria de cuntinèntu e gestione de s’emergèntzia epidemiològica dae COVID-19, de aplicare in totu su territòriu natzionale;

**Bidu** s’art. 1 de su mentovadu D.P.C.M., cun riferimentu particulare a sas literas:

d) “est vietadu a sas pessones de istare a muntone in logos pùblicos o privados; su Sindigu podet dispònere si nono sa serrada temporanea de àreas ispetzificas in ue non siat possibile assegurare su respetu de cantu prevididu dae custa litera”;

i) “..... sunt cunsentidas sas tzerimònias de sos interros cun sa partetzipatzione solu de sos famillieres e, semper e cando, finas a su màssimu de bindighi pessones, cun funtziones de s’acumprire cun preferèntzia in logu abertu, cun una protetzione de sas bias respiratòrias e respetende a manera rigorosa sa distàntzia de seguresa tra una pessone e s’àtera de a su mancus unu metro”;

**Bida** s’Ordinàntzia de su Presidente de sa Regione Autònoma de sa Sardigna n. 20 de su 02 de maju de su 2020, chi giughet “Àteras misura istraordinàrias e urgentes de cuntrastu e preventzione de sa difusione de s’epidemia dae COVID-19 in su territòriu regionale de sa Sardigna. Ordinàntzia cunforma a s’art. 32, comma 3, de sa lege de su 23 de nadale de su 1978, n. 833 in matèria de igiene e sanidade pùblica;

**Bidu** in particulare s’art. 30 de sa mentovada Ordinàntzia chi narat a manera testuale: “ sos Sindigos ant facultade de dispònere – cun ordinàntzia pròpia – s’apertura de sos campusatos garantende s’adotzione de mesuras organizzativas adecuadas pro evitare chi sos bisitadores istent a muntone e pro garantire sa distàntzia tra una pessone e s’àtera”;

**Bidu** s’art. 2 de s’Ordinàntzia de su Presidente de sa Regione Sardigna n. 23 de su 17 de maju de su 2020, chi narat a manera testuale. “Cun decurrèntzia dae su 18 de maju de su 2020, sessant de àere efetu totu sas mesuras chi limitant sa tzirculatzione a intro de su territòriu regionale”;

**Bida** s’Ordinàntzia pròpia pretzedente n. 13/18 de su 05.05.2020, cun sa cale cun decurrèntzia dae su 06 de maju de su 2020 fiat disposta torra s’apertura a su pùbliku de su campusantu comunale e fiant disciplinados sos oràrios e sas modalidades de atzessu de su pùbliku;

**Bida** s'Ordinàntzia pròpia pretzedente n. 20/27 de su 28.05.2020, cun sa cale beniat revocada s'Ordinàntzia n. 13/18 de su 05.05.2020 e cun decurrèntzia dae su 28 de maju de su 2020 fiant disciplinados a manera ulteriore sos atzessos de su pùblicu a intro de su campusantu comunale, ismanniende su nùmeru de oras de abertura;

**Ritènnidu** netzessàriu, puru pro sa festa de sos mortos chi b'at a èssere tra pagu, disciplinare a manera ulteriore sos oràrios e sas modalidades de atzessu a su pùblicu a intro de su campusantu a manera cunforme a sa normativa e a sas dispositziones mentovadas in sa premisa, evitende de istare a muntone e in su respetu de sas dispositziones in vigèntzia pro minimare sa cundidura;

**Bidu** su D.P.R. de su 10 de cabudanni de su 1990 n. 285, chi giughet "Aprovatzione de su Regolamentou de Politzia Mortuària";

**Bida** sa Lege Regionale Sardigna n. 32 de su 02.08.2018, chi giughet "Normas in matèria de interru e de campusantu";

**Bidu** s'art. 32 de sa Lege de su 23 de nadale de su 1978 n. 883 e su R.D. de su 27 de triulas de su 1934 n. 1265 – Testu Ùnicu de sas Leges Sanitàrias;

**Recramadu** su comma 4, de s'art. 50, de su D.Lgs. de su 18 de austu de su 2000, n. 267;

## ÒRDINAT

**Cun decurrèntzia dae su 10 de santugaine de su 2020**, su campusantu comunale de Putumajore at a àere sos oràrios de abertura a su pùblicu chi sighint;

-Dae su Lunis a sa Dominiga dae sas 08:00 a sas 18:00;

- Su Campusantu comunale at a abarrare serradu a su pùblicu, a manera indipendente dae sa die de sa chida, in occasione de tzerimònias de interru, a sas cales ant a pòdere partetzipare solu sos familliares de su mortu e, semper e cando, finas a su màssimu de bindighi pessones;

- S'atzessu e s'essida de su pùblicu dae su Campusantu comunale b'at a èssere a manera ordinària cun s'impreu de s'intrada de ladus; in occasione de tzerimònias de interru s'atzessu e s'essida dae su campusantu Comunale b'ant a èssere cun s'impreu de s'intrada printzipale cara a carrera Ugualliàntzia, in cussa tzircustàntzia s'intrada de ladus at a dèvere èssere serrada;

- Totus sos ch'intrant a cale si siat titulu a intro de su Campusantu comunale ant a dèvere bestire mascarinas tipu o sìbiles a cussas chirùrgicas e respetare s'òbligu de sa distàntzia mìnima de unu metro evitende de istare totus a muntone;

- Sas operatziones de interru devent èssere fatas a sa presèntzia a su màssimu de ses pessones tra familliares, parentes e maridos o mugieres, bastat chi siat possibile respetare tra custos sa distàntzia de a su mancus unu metro, a fora de sos operados de sas impresas chi nch'interrant su mortu chi devent àere sos DPI adequados e de sos operadores de su campusantu puru issos cun DPI adequados.

- Est revocada sa pretzedente Ordinàntzia pròpia n. 20/27 de su 28.05.2020.

## INFORMAT

- Chi sa farta de osservàntzia de custa ordinàntzia at a cajonare sa sinnalatzione a s'Autoridade Giuditzària pro violatzione all'art. 650 de su C.P.;

- Chi a custa Ordinàntzia est dada esecutividade cun s'afissione a s'Albu Pretòriu *on-line* in su giassu istituzionale de su Comune de Putumajore;

- Chi cunforma a s'art. 3 comma 4 de sa Lege n. 241/1990 e s.m.i., contra a custu provedimentu est ammitidu recursu giurisdizionale a su T.A.R. Sardigna intro de sessanta dies dae sa publicatzione, cunforma a sas modalidades de sas cales a sa lege n. 1034/1971 e s.m.i., o puru recursu istraordinàriu a su Presidente de sa Repùblica, cunforma a su D.P.R. n. 1199/1971, intro de chentubinti dies dae su tèrmine matessi;

- Chi pro su deretu de atzessu e de informatzione de sos tzitadinos prevididos dae sa Lege de su 7 de austu de su 1990 n. 241:
- S'Autoridade chi emitit est su Sindigu de su Comune de Potumajore;
- S'ufitziu depositàriu de sos atos est su Cumandu de Politzia Locale de su Comune de Potumajore;
- Su Responsàbile de su protzedimentu amministrativu cunforma a s'art. 8 de sa lege de su 7 de austu de su 1990 n. 241 est su Comandante de sa P.L. Ten. Giandomenico Serra.

### **DEMANDAT**

A sa Politzia Locale ed a sas fortzas de Politzia de s'Istadu su controllu de s'osservàntzia de custa ordinàntzia.

### **DISPONET**

#### **Sa trasmissione de custa Ordinàntzia a:**

- Prefetura U.T.G. de Tàtari;
- Istatzione de sos Carabineris de Potumajore;
- Comandu Politzia Locale de Potumajore;
- Custode de su Campusantu Comunale;
- Impresas de *Pompe Funebri* chi operant in su Territòriu Comunale.

Dae sa domo comunale, 09-10-2020

Su Sìndigu

F.du Sen. Mariano Soro

Su sutascritu responsàbile de su servitziu de sas publicatziones chi ant efetu de publicidade legale, bidos sos atos de ufiziu;

### **A T E S T A T**

chi custu atu est istadu publicadu, dae su 09-10-2020 a su 24-10-2020 in su giassu istituzionale de custu Comune atzessibile a su pùblicu (*art. 32, comma 1, de sa lege de su 18 de làmpadas de su 2009, n. 69*).

Potumajore, 09-10-2020

Su Sìndigu

F.du Sen. Mariano Soro

---

Est còpia cunforme a s'originale pro impreu amministrativu.

Potumajore, su 09-10-2020

Su Sìndigu  
Sen. Mariano  
Soro

ORDINÀNTZIA DE SU SÌNDIGU  
n.26 de su 09-10-2020 COMUNE DE  
POTUMAJORE